

Atonu sa iai sau itulau (account) i luga o le initaneti na osofa'ia pe na faaogā muamua e se isi. E tāua le malupuipua o ou faamatalaga ma lau itulau i luga o le initaneti ina ia puipua ai soo se tasi mai le gaoia o ou faamatalaga poo lou faasinomaga mo so latou lava manuia.

O nisi nei o fesoasoani e tolu ina ia atili saogalemu ai ou faamatalaga ma au itulau i luga o le initaneti:

1. **Faatulaga ni uputatala malolosi** ma se [faamaoinga e lua vaega eseese](#) ina ia faafaigata ai e isi tagata ona oo atu i au itulau (accounts) ma ou faamatalaga.
2. **Aua ne'i galo ona e ulu fafo** - aua ne'i e tuumuli ese a o tatata pea au itulau (accounts), aemaise pe afai e faaogā foi e isi tagata lau telefoni, tablet poo lau komepiuta. O lenei gaoiga faigofie e mafai ona puipua ai tagata mai le faaogāina o lau itulau (account) ma ou faamatalaga totino.
3. **Faatulaga ni faailo ulufale** ina ia e iloa ai poo se isi o loo taumafai e alu i totonu o lau itulau.

O le ā le uputatala malosi?


O uputatala o se auala e puipua ai ou faamatalaga ma taofi ai isi tagata mai le alu i au imeli, o fesoata'iga televavave poo isi itulau i luga o le initaneti. O se mea e te faia lava e oe ma mafai ona fausia e faaogā ai mataitusi, fuainumera, faailoga poo mea uma e tolu.

Fesoasoani e lima mo se uputatala malosi:

1. Ia faigata mo isi tagata ona mate'ia - e sili atu ona lelei pe a faafefilo solo.
2. Ia lē itiiti ifo ma le 6 mataitusi le umi, e faaogā faafefilo ai fuainumera, mataitusi ma faailoga faapitoa (pei o le \$, # poo le &).
3. Ia eseese uma uputatala e faaogā mo au itulau ta'itasi. O le auala lena, afai e iloa e se isi se tasi o au uputatala, e lē faapea o le a otomeki ai loa ona oo lena tagata i isi uma au itulau ta'itasi.
4. Aua le ta'uina fua au uputatala i isi tagata.
5. Ia ma'itino e mafai ona e manatuaina!



Mafaufau



"Ou te mafaufau ae ou te le'i faasoa atu"

Faaloalo



"Ou te feutaga'i ma isi e pei ona ou manao ia feutaga'i mai ai ia te au"

Gaoioi



"Ou te puleaina mea e ala i faiga saogalemu ma le malupuipua i luga o le initaneti"